

MAI ITA FUNU HASORU KI'AK

Objetivu Dezenvolvimentu Mileniu iha ami nia moris

OBJETIVUS

- *Hamenus kiak no hamlaha*
- *Emá hotu tenke hetan edukasaun baziku*
- *Promove Direitu Igualdade ba feto ho mane no mos habi'it feto*
- *Hamenus mortalidade labarik sira nian*
- *Hadia saude inan sira nian*
- *Hadok an husi HIV/AIDS, malaria no moras sira seluk*
- *Garantia sustentabilidade meu ambiente*
- *Habelar parseira ho governo, doadores, sociedade sivil no populasau hotu atu halao desenvolvimento*

Ilha tinan 2000, nai ulun hosi nasaun hotu konkorda katak ita hotu tenke servisu hamutuk hodi funu hasoru kiak, hamlaha, moras, no mos eksklusau – no au mesmu tempu fo promosaun ba igualdade jeneru, edukasaun, no mos meu ambiente nebe sustentavel. Objetivu sira ne'e hotu mak sira hanaran Objetivu Dezenvolvimentu Mileniu (MDGs).

Lor-loron ema hotu involve iha dezenvolvimentu ne'e no bele ajuda Timor-Leste ba futuru nebe oin seluk. Iha istoria hirak tuir mai ne'e, ami sei hato'o agrikultoris, peskadores, vendedores, soru tais, infermeirus, jornalistas, ONG lokal, no politika nain sira (hanesan ezemplu deit) sira hotu servisu hamutuk ajuda Timor-Leste hodi alkansa sira nia objetivu ba dezenvolvimentu ne'e.

Padre Locatelli, edukador, agrikultoris, iha Fatumaca, Baucau

Maiske la'os ema Timor tuir moris fatin maibé Padre Locatelli passa tinan barak hela no servisu iha Timor Leste do que ema Timor barak. Ema Timor barak mak kofesidu uluk estuda iha nia Eskola Técnica Don Bosco iha Fatumaca no, hanesan ema Timor bai-bain, nia kofese jersaun balun iha familia hanesan. Hafoin tinan 40 laran ihanebé nia hahú halo tiha servisu iha edukasaun no fo-han ba nia sarani sira no proteje sira durante tempu okupasaun Indonezia – Padre ne hetan respeitu no ema hadomi nia tebetes, liu-liu ema nurak sira iha nia distrito nebé kontinua sai fokus Don Bosco nia Filozofia.



Buat uitoan deit mak estudante teolojia Eligio Locatelli bele imajina konabá destinu sa mak rezerva ba nia wainhira nia simu orden atu ba Timor Leste iha 1964. Karik ema ruma hatete tiha ba nia iha tempu nebé katak nia sei la sai amululik salezianu no edukador deit maibé mos nudar agrikultoris mak apoia agrikultoris sira no fo-han ba comunidade sira hosi suco walu, nia tenki hakfodak. Maibé buat hotu ne mak akontese ikusmai wainhira nia to iha Fatumaca iha '64.

Eskola sekundária nebé okupadu tebes ho alunus internu 500 no externu 50, Eskola Técnica ne harí iha 1980 nebé ofere se kursu hat iha estudus karpintaria, elektrónika, eletrisidade no mekánika no tina-tinan hasai graduadus 60 – buat ne hotu hahú hosi uma simples mak halo ho tali tahan. "La iha buat ida ihané wainhira hau to no ami hahú eskola primária ida iha barraka ida," padre ne hanoin hikas. Foin iha 1968 mak eskola ne hamrik no nia hili programa edukasaun mak atu halo Don Bosco Fatumaca, nudar eskola sekundária diak ida iha railaran. Tanba nia reputasaun aumenta nuné nos nesetidade no labarik sira hosi familia riku sira sai nudar nia alumni. Maibé buat hotu muda iha 1975 no kapitulu foun ida hahú tiha iha Pader Locatelli nia moris wainhira ema Indonezia sira to mai.

Ema kiak sira, karik iha, hanesan atu sai kiak-liu tan no hamlaha hahú naklekar tanba Indonezia sira hadau sira

nia rai no animal-hakiak. Padre tenki mida nia fokus hosi edukasaun ba hahán wainhira nia tenki hatán ba opresaun nebé povu hasoru. Terus ne mosu tanba hahalok at rejime Indonezia nian nebé halo nia hakfodak no hanesan igreja sira seluk iha railaran, nia mos, apoia luta ba justisa. Tanba nia chamamentu/panggilan nudar amululik, nia labele tama iha funu ba libertasaun abertamente nuné nia muda nia atensaun ba ema sira mak oprimidu no simu dezafiu atu fo-han ema hamlaha sira. "Rai iha parte sul bokur maibe iha parte norte lae. Maiske ema iha rai, bailoro nebe maran – hanesan atu sai maran-dekor tanba klima muda tihaona durante tinan hirak ikus ne – nebé signifika hamlaha ba familia barak. De faktu, iha fatin barak iha railaran, la iha possibilidade ba familia ida atu moris ho produsaun nia tos rasik durante tinan tomak.

Ho tulun fonte balun, Padre ne halibur neineik traktor 12, nebé orané nia aluga ba agrikultoris sira iha suco walu mak nia adopta. Nudar troka, sira fo ba nia um-tersu hosi sira nia produsaun no nia uza ne hodi fo-han alunus internus sira iha eskola sekundária nebé selu \$20 fulan ida. "Susar tebetes atu fo-han labarik sira mak bot-tan deit ho osan uitoan ne, sira hamlaha nafatin". Locatelli hamnasa. Liu tan, tina-tinan, iha ema 1,500 to 2,000 mak husu tulun ba amululik iha tempu hamlaha. "Hau sente responsável ba ema 25,000 iha suco sira ne," nia hatete, "Ami presiza fini no pestisida atu hadia produsaun kolheita no kualidade no sai difisil iha tinan hirak ikusné atu buka rekursu sira." Maiske nuné, esforsu sira iha edukasaun kontinua. Orsané ami iha eskola primária walu mak missaun halao," nia hatete.

Eskola ne mestre 22 mak hanorin ho mos irmaun italianu ida nebe hanorin mekanika. Hosi mihi ida iha uma dut ida ba edukasaun no eskola técnica ida mak ativu tebes, Padre Locatelli lao liu tiha dalan naruk ida hamutuk ho ema Fatumaca. Ho otas tinan 67, otas ida nebé ema barak hanoin atu para servisu, nia sei servisu makás nafatin atu halao planu foun sira atu hanorin no fo-han ema sira mak aumenta beibeik iha suco sira mak nia adopta – suco sira nebé, ikus mai foti nia nudar sira nia maluk.

